



Pou Piblikasyon Imedya: 30/11/2020

GOUVÈNÈ ANDREW M. CUOMO

GOUVÈNÈ CUOMO ANONSE PLAN IVÈ A POU KONBAT OGMANTASYON COVID-19 LA NAN ETA NEW YORK

Yo sible 5 estrateji pou jere ak redwi pwopagasyon COVID-19 la

Estrateji 1: Jere kapasite lopital yo pou amelyore ak inifòmize swen yo

Estrateji 2: Ogmante epi ekilibre resous ak disponibilite tès yo

Estrateji 3: Kenbe lekòl yo ouvè an tout sekirite

Estrateji 4: Anpeche pwopagasyon viris la nan ti rasambleman yo

Estrateji 5: Operasyonalize yon pwogram vaksinasyon ki ekitab epi ki san danje

Gouvènè Andrew M. Cuomo te anonse jodi a plan New York la pou konbat COVID-19 nan ivè sa a. Pandan semèn pase a, Gouvènè Cuomo ak Gwoup Travay sou COVID (COVID Task Force) la te travay an konsiltasyon avèk ekspè sante publik mondal yo, gouvènman lokal yo ak lòt aktè pou asire ke plan an fonde sou lesson yo te aprann pandan nèf mwa pase yo pou antisipe epi prepare pou yon ogmantasyon yo prevwa nan ka COVID ak pasyan ki ap entène yo pandan sezon fêt la.

Espesyalman, plan ivè a genyen senk estrateji sible yo, ki konsantre sou redwi pwopagasyon viris la ak sou ankouraje preparasyon Eta New York la, gen ladan:

- Kontinye epi ranfòse Estrateji Mikwo-Gwoupman Sible New York (New York's Targeted Micro-Cluster Strategy) la pandan yo ap Jere Kapasite Lopital yo pou Amelyore ak Inifòmize swen yo;
- Ogmante epi Ekilibre Resous ak Disponibilite tès yo;
- Kenbe Lekòl yo Ouvè an tout Sekirite;
- Anpeche Pwopagasyon Viris la nan ti Rasambleman yo; epi
- Operasyonalize yon Pwogram Vaksinasyon ki Ekitab epi ki san Danje

"Pandan ke sezon fêt la souvan pote lajwa pou anpil moun, ogmantasyon nan aktivite sosyal ak mobilite yo pral pote tou transmisyon viris la. Nou konprann kòz ak efè a, epi efè a dramatik", **Gouvènè Cuomo te deklare**. "Nou dwe adapte nou ak reyalite sa a epi mete yon plan an plas ki adrese espesyalman defi yo ki vini avèk li. Nou te pase atravè

sa ki te pi mal, epi pandan nou pokò fini an, nou ap avanse avèk lesounou te aprann yo nan prentan an pou nou travèse sa ansanm."

Estrateji 1 Kontinye epi ranfòse Estrateji Mikwo-Gwoupman Sible New York la pandan yo ap Jere Kapasite Lopital yo pou Amelyore ak Inifòmize swen yo

Depi Gouvènè Cuomo te premye lanse estrateji mikwo-gwoupman New York la nan mitan mwa oktòb la, sa te pwouve li efikas nan idantifye zòn sible ki gen pousantaj enfeksyon ki wo yo ak nan egzekite restriksyon anplis yo pou redwi pwopagasyon viris la nan zòn mikwo-gwoupman an. Apwòch sa a te pèmèt ofisyèl sante Eta a ak lokal yo sible resous yo; li te ankouraje manm kominote yo pran pi gwo mezi pou redwi pwopagasyon viris la, epi li te ede anpeche nesesite pou pi gwo fèmti rejyonal ki afekte tout aspè lavi a ak ekonomi an.

Anba Plan COVID-19 Ivè New York la, yo pral ranfòse estrateji sa a atravè itilizasyon kritè anplis ki gen rapò ak lopital pou bay yon tablo ki klè sou kote yon zòn an patikilye twouve li nan konba kont COVID la epi fason chak katye, minisipalite, ak lòt zòn jewografik kontribye nan admisyon lopital chak jou yo akòz COVID la. Anba estrateji ki amelyore a, Depatman Sante Eta New York (New York State Departement of Health) la pral ajoute faktè tankou kapasite kabann lopital nan rejyon an, kapasite Intite Swen Entansif (Intensive Care Unit, ICU), kantite pèsonèl, ak admisyon lopital chak jou yo nan kad analiz ak kritè yo itilize pou detèmine ki zòn jewografik kalifye kòm zòn mikwo-gwoupman. Anplis de 3 nivo zòn mikwo-gwoupman aktyèl yo (Prekosyon Jòn, Avètisman Jòn Abriko ak Wouj), New York pral ajoute tou yon nouvo nivo 'Arè Dijans', ki pral efektivman mete zòn sa a anba enstriksyon NY Pause (NY sou Pòz) yo, si sa nesesè pou prezève kapasite lopital yo. Yo pral idantifye kritè lopital ki asosye avèk zòn sa yo nan pwochen semèn lan jiska 10 jou, yon fwa yo resevwa ak analize done sou fèt Aksyon de Gras (Thanksgiving) yo.

Anplis de sa, Depatman Sante a te kòmanse inisyé jodi a mezi sou lopital dijans yo prepare sistèm lopital Eta a pou yon ogmantasyon nan nouvo admisyon yo pandan semèn ki ap vini yo. Espesyalman, mezi sa yo gen ladan:

1. Sistèm lopital yo dwe kòmanse idantifye enfimyè ak doktè ki retrete yo pou ranfòse pèsonèl la;
2. Sistèm lopital yo nan Konte Erie dwe sispann operasyon ki ochwa yo pou kreye nouvo kapasite kabann lopital pou pasyan COVID yo;
3. Sistèm lopital yo dwe ekilibre kantite pasyan yo nan tout etablisman lopital yo a;
4. Prepare plan yo pou itilize lopital tanporè dijans yo;
5. Prepare plan yo pou ogmante kapasite kabann lopital yo nan 50 pousan;
6. Prepare plan yo pou egzekite operasyon 'Ogmantasyon ak Fleksibilite (Surge and Flex') yo nan tout Eta a (menm jan ak ekilib nan kantite a, men chanjman pasyan yo tap fèt nan tout sistèm lopital yo, pa opozisyon ak chanjman nan sistèm lopital endividiyèl yo)
7. Prepare plan pou mete pèsonèl nan lopital tanporè dijans yo; ak
8. Konfime disponibilité resous nan estòk aktyèl yo.

Depatman Sante a pral lanse tou yon nouveau sistèm swivi sou kritè lopital yo nan tout Eta a.

Estrateji 2 - Ogmante epi Ekilibre Resous ak Disponibilite Tès yo

Anba Plan Ivè a, Eta New York pral pran mezi pou ogmante kantite tès ki disponib nan tout Eta a, men li ap fè sa nan yon fason ki asire distribisyon an ekilibre avèk tès sifizan nan divès kouch popilasyon an, gen ladan:

- Travayè sante yo;
- Mezon retrèt yo;
- Lekòl yo;
- Travayè esansyèl yo;
- Pwofesyonèl biznis yo;
- Tès pou sèvis pèsonèl yo; ak
- Popilasyon jeneral la, elèv ak travayè ki ap retounen yo, etc.

Estrateji 3 - Kenbe Lekòl yo Ouvè an Tout Sekirite

Youn nan aspè ki pi enpòtan nan jere pandemi COVID-19 la pou gouvènman ansam ak paran yo se te reponn kesyon sou ki fason ak kilè lekòl ta dwe rete ouvè. Sou pwen sa a, ekspè yo ki soti nan tout monn lan te detèmine ke toutan pousantaj enfeksyon an anba kontwòl epi li rete anba pousantaj enfeksyon kominote jeneral la, lekòl yo ta dwe rete ouvè, patikilyèman pou elèv yo ki nan Kindergarten rive nan 8yèm ane. Non sèlman lekòl bay paran yo sipò nan gadri, li bay yon regilaire ak lavi a, sa ki te manke pou anpil timoun pandan pandemi sa a.

Anba Plan Ivè New York la, efò yo pral konsantre sou kenbe lekòl Kindegarten rive nan 8yèm ane ak lekòl Edikasyon Espesyal yo ouvè toutan yo kapab fè sa san danje. Premye etap la se pral pou etabli tès kontini, yon fason ki dirab nan lekòl yo dekwa pou yo kapab kontinye fonksyone alontèm. Apasa, yo pral egzije lekòl ki sitiye nan zòn mikwo-gwoupman Jòn Abriko ak Wouj yo pou yo reyalize tès chak semèn. Yo pral egzije lekòl ki nan Zòn Jòn Abriko yo pou yo teste 20% nan elèv, pwofesè ak pèsonèl ki preznan an pèsòn yo pandan yon mwa epi yo pral egzije lekòl ki nan Zòn Wouj yo pou yo teste 30% nan elèv, pwofesè ak pèsonèl ki preznan an pèsòn yo pandan yon mwa. Yo pral pèmèt tès kolektif yo tou.

Pwotokòl sa yo reprezante nòm minimòm yo egzije pou lekòl yo rete ouvè epi Eta a gendwa adapte egzijans yo pou distri espesifik yo, baze sou nenpòt sikonstans espesyal ki gendwa rive. Pandan ke distri lokal yo kapab fèmen nan kèk nivo anba règleman Eta a sou fèmti obligatwa a, yo ankouraje yo pou yo kenbe lekòl Kindegarten rive nan 8yèm ane ouvè depi li san danje.

Estrateji 4 - Anpeche Pwopagasyon Viris la nan ti Rasableman yo

Yo idantife ti rasableman yo kounye a kòm sous pwopagasyon COVID-19 nimewo en (1), avèk omwen 65 pouzan nan tout ka yo ki soti nan anviwònman sa yo. Kounye a ke

nou nan sezon fèt la, Nouyòkè yo dwe respekte chanjman konpòtman yo pou redwi pwopagasyon an. Sèz Eta, gen ladan New York, te etabli limit pou rasanbleman yo nan mwens pase 10 moun, kote Kentucky te chanje resaman limit rasanbleman yo nan 8 oswa mwens. Pandan ke kapasite gouvènman an pou li siveye ti rasanbleman yo limite, edikasyon publik sou enkyetid pou sekirite ti rasanbleman yo enpòtan anpil. Menm jan Eta New York te fè avèk kanpay publik yo ki ankouraje respè pou pote mask la, Eta New York pral lanse yon kanpay edikatif publik pou li soulinye fason ti rasanbleman yo kapab mennen nan pwopagasyon COVID-19 nan kominate a.

Estrateji 5 - Operasyonalize yon Pwogram Vaksinasyon ki Ekitab epi ki san Danje

Pandan ke yo prevwa yo pral pibliye yon vaksen nan semèn ki ap vini yo, sa pral pran plizyè mwa avan yo rann disponib yon gwo kantite nan vaksen ki disponib pou publik jeneral la. Pandan ke Eta a ap bati plan li a pou li distribye vaksen yo, li pral fonde sou twa pilye:

- Enpasyalite;
- Ekite; ak
- Sekirite.

Pilye sa yo, ansanm ak sansibilizasyon nan kominate Nwa ak Metis ki genyen rezulta medikal medyòk yo, ki te frape pi rèd anba pandemi an, enpòtan pou asire yon distribisyon enpasyal nan vaksen an.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)